

7. Ministarstvo finansija će evidentirati i proknjižiti uplaćena sredstva i izvršiti plaćanje po nalogu Ministarstva za obrazovanje, nauku i mlade, te pratiti utrošak istih.
8. Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-05-15292-49/17
20. aprila 2017. godine
Sarajevo

Premijer
Elmedin Konaković, s. r.

Na osnovu člana 17. stav (3) Zakona o izvršavanju Budžeta Kantona Sarajevo za 2017. godinu ("Službene novine Kantona Sarajevo", broj 53/16) i člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 80. sjednici održanoj 20.04.2017. godine, donijela je slijedeći

ZAKLJUČAK

1. Odobrava se preraspodjela sredstava u Budžetu Kantona Sarajevo za 2017. godinu u iznosu 53.300 KM i to:
sa razdjela 33010001 Ministarstvo prostornog uređenja, građenja i zaštite okoliša Kantona Sarajevo
sa ekonomskog koda:
614300 - Transferi neprofitnim organizacijama
YAN001 - Prostorno planska dokumentacija 53.300 KM
na razdjel 26010001 Zavod za izgradnju Kantona Sarajevo
na ekonomski kod:
821300 - Nabavka opreme 53.300 KM.
2. Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-05-15292-50/17
20. aprila 2017. godine
Sarajevo

Premijer
Elmedin Konaković, s. r.

Ministarstvo za obrazovanje, nauku i mlade

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i čl. 175. do 183. Zakona o osnovama bezbjednosti saobraćaja na putevima u Bosni i Hercegovini ("Službeni glasnik BiH", broj 6/06, 75/06, 44/07, 84/09, 48/10, 18/13), a u vezi sa odredbama Pravilnika o osposobljavanju za vozača motornih vozila i Pravilnika o načinu i uvjetima organiziranja ispita za vozača motornih vozila ("Službeni glasnik BiH", broj 46/12), ministar za obrazovanje, nauku i mlade Kantona Sarajevo donosi

PRAVILNIK

O IZMJENAMA I DOPUNAMA PRAVILNIKA O NAČINU I UVJETIMA PROVOĐENJA POSLOVA OSPOSOBLJAVANJA I ORGANIZIRANJA ISPITA ZA VOZAČA MOTORNH VOZILA

U Pravilniku o načinu i uvjetima provođenja poslova osposobljavanja i organiziranja ispita za vozača motornih vozila ("Službene novine Kantona Sarajevo", broj 35/16, 6/17) (u daljem tekstu: Pravilnik), član 32. stavovi (1) i (2) mijenjaju se i glase:

"Član 20.

(Naknade - Troškovi za polaganje vozačkog ispita)

- (1) Naknade troškova za polaganje ispita za vozača motornih vozila na prijedlog ministra za obrazovanje, nauku i mlade Kantona Sarajevo (u daljem tekstu: Ministar) posebnom odlukom utvrđuje Vlada Kantona Sarajevo (u daljem tekstu: Vlada)

- (2) Kandidat za vozača motornih vozila koji iz trećeg pokušaja ne položi ispit iz propisa o sigurnosti saobraćaja na putevima ili ispit iz poznavanja pružanja prve pomoći, svaki naredni izlazak na ispit snosi troškove u iznosu koji na prijedlog Ministra posebnom odlukom utvrđuje Vlada."

Član 2.

U članu 23. stav (3) mijenja se i glasi:

"(3) Da bi ponovo izašao na ispit, kandidat iz stava (1) ovoga člana, je obavezan da prijavi ispit uz plaćanje administrativnih troškova u iznosu koji na prijedlog Ministra posebnom odlukom utvrđuje Vlada."

Član 3.

U članu 27. stav (5) mijenja se i glasi:

"(5) Na ime troškova izdavanja potvrde iz prethodnog stava ovoga člana, kandidat je obavezan uplatiti iznos koji na prijedlog Ministra posebnom odlukom utvrđuje Vlada."

Član 4.

Član 35. mijenja se i glasi:

"Član 35.

(Uvjerenja duplikati i prijepisi)

"(1) U slučaju gubitka ili isteka važnosti uvjerenja o položenom ispitu (poznavanje propisa o bezbjednosti saobraćaja na putevima, poznavanja pružanja prve pomoći ili za vozača motornih vozila), kandidat je obavezan dostaviti Ministarstvu zahtjev za izdavanje duplikata/prijepisa uvjerenja, te uplatnicu na iznos koji je Vlada utvrdila za troškove polaganja toga ispita.

(2) Kandidat koji izgubi uvjerenje o položenom ispitu za vozača motornih vozila, obavezan je isto oglasiti nevažećim u Službenim novinama."

Član 5.

U članu 43. stavovi (1) i (2) mijenjaju se i glase:

"(1) Naknade članovima ispitne komisije za obavljene poslove po rješenju iz člana 41. ovoga Pravilnika na prijedlog Ministra posebnom odlukom utvrđuje Vlada.

(2) Naknade članovima komisije za obavljene poslove po rješenju, a koji se odnose na utvrđivanje uslova rada autoškola na prijedlog Ministra posebnom odlukom utvrđuje Vlada."

Član 6.

U članu 49. stav (1) mijenja se i glasi:

"(1) Na ime troškova izdavanja potvrde iz prethodnog stava ovoga člana, kandidat je obavezan uplatiti iznos koji na prijedlog Ministra posebnom odlukom utvrđuje Vlada."

Član 7.

U članu 52. stav (3) mijenja se i glasi:

"(1) Na ime troškova za evidentiranje izmjena u autoškolama, te eventualni izlazak Komisije radi utvrđivanja ispunjenosti uslova za rad, autoškole su obavezne izvršiti uplate naknada kod Ministarstva u iznosima koji na prijedlog Ministra posebnom odlukom utvrđuje Vlada."

Član 8.

- (1) Ovaj Pravilnik će biti objavljen u "Službenim novinama Kantona Sarajevo", a stupa na snagu naredni dana od dana objavljivanja.

Broj 11-01-02-15670/17
14. aprila 2017. godine
Sarajevo

Ministar
Prof. dr. Elvir Kazazović, s. r.